

漢武帝別國洞冥記
甄異
幽明
錄附校讞



幽

明

錄

附校譌

劉義慶撰

中華書局

叢書集成初編

漢武帝別國洞冥記（及其他二種）

中華書局 出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN 7-101-00894-1/K·367

此據琳琅祕室叢
書本影印初編各
叢書僅有此本

幽明錄

幽明錄

宋彭城王劉義慶撰

碩縣下有眩潭以視之眩人眼因以爲名傍有田陂昔有人船行過此陂見一大蛟死在陂上不得下無何見一人長壯烏衣立於岸側語行人云昨下陂不過而死可以報眩潭行人曰眩潭無人何可報烏衣人曰但至潭便大言之行人如其言須臾潭中有號泣聲

晉元熙中桂陽郡有一老翁常以釣爲業後清晨出釣遇大魚食餌掣綸甚急船人奄然俱沒家人幸翁于釣

所見老翁及魚並死爲釣綸所纏魚腹下有丹字文曰
我聞曾潭樂故縱踏潭來磔死弊老翁持釣數見欺好
食赤鯉鱠今日得汝爲

太元年中臨海有巫李不知所由來能卜相作符水治
病多愈亦禮佛讀經語人曰明年天下當大疫此境尤
劇又二紀之後此邦則寧西北大郡殭屍橫路時汝南
周叔道罷臨海令權停家直云周令今去宜南行必當
暴死便指北山曰後二十日此山之下應有異口者事
彰也後十餘日大石夜顛落百丈碎盡若雷庑指爲臨

海太守過之周設饌作伎至夜庾還舫中天曉庾自披
屏風呼叔迫何甓不起左右撫看氣絕久矣到明年縣
內病死者數千

徐琦每見一女子姿色甚美便解臂上銀鈴贈之

董卓信巫軍中常有巫都言禱求福利言從卓求布倉
卒無布有手巾言曰可用耳取筆便書巾上如作兩口
一口大一口小相累以舉謂卓曰慎此也卓後爲呂布
所殺後人則知呪呂布也

淮南半渚泔水極深無可筭計人見一金牛形甚瑰壯

以金爲鎖絆

宋陽縣北東有蘆塘淹地八頃其深不可測中有大魚常至五日一躍奮出水大可三圍其狀異常每躍出水則小魚遶進隨水上岸不可勝計

某郡張甲者與司徒蔡謨有親僑住謨家暫停數宿過則不返謨晝眠夢甲云暫行忽得暴病患心腹痛脹滿不得吐下某時死主人殯殮謨悲涕相對又云我病名乾霍亂自可治但人莫知其藥故今死耳謨曰何以治之甲曰取□□生斷去腳吞之則愈謨覺使人往甲所

驗之果死問主人病時日皆與夢符後有乾霍亂試用
輒差

會稽施子然有一人身著練單衣帽直造席捧手與子
然語子然問其姓名卽荅曰僕姓盧名鉤家在墳谿邊
臨水復經半旬中其作人掘出腫西溝邊故墟忽見大
頭滿中螻蛄將近斗許而有數頭極壯一箇彌大子然
至是始悟曰近日嘗稱盧鉤反音則螻蛄家在墳谿卽
西坎也悉灌以沸湯自是遂絕

晉司空鄆方回葬婦於禹山使會稽郡吏口史澤治墓

多平夷生墳復口處搆制甚偉器物殊盛豕豷聞鼓角聲自是每如此

元嘉初散騎劉雋家在丹陽郡後常閉居而天大口雨見門前有三小兒皆可六七歲相率狡獪而並不沾濡雋疑非人俄見其爭一瓠壺子雋引彈彈之正中壺霍然不見雋出問人前得一壺而泣曰此是小兒物不知何山在此雋具說之

清河崔茂伯女結婚裴氏刻期未至女暮已提一金罍受一升許徑到裴牀前立以罍附裴

顧長康在江陵愛一女子還家長康思之不已乃畫作
女形簪著壁上替處正刺心女行十里忽心痛如刺不
能進

餘杭人沈縱素貧與父同入山還未至家見一人左右
導從四百許前車轎重馬鞭夾道鹵簿如二千石遙見
縱父子便喚住就縱手中燃火縱因問是何貴人荅曰
罔山王在餘杭縣南縱知是神叩頭云願見祐助遂去
後入山得一玉枕縱從此如意

桓玄既肆無君之心使御史嘗太傅曰道子於安城立

在南州忽見一平上轎人持馬鞭通云蔣侯來玄驚愕
然便見階下奴子御轎車見一士大夫自云是蔣子文
君何以害太傅與爲伯仲願視之間便不復見

廣陵韓杼字胤彥陳敏反時與敏弟恢戰於尋陽還當
下馬埜鞭重見有錄錦囊中有短卷書著稍皆不知所
從來開視之故穀紙佛神呪經

成彪兄喪哀悼情氣盡夜哭泣後釣於澤經所共飲處
釋翁悲感有大魚跳入船中俯視諸小魚彪仰天號慟
俛而見之悉放小魚大者便跳出船去夜見兄來共語

提二十罇酒一盤梨就之引酌相勸

襄陽城南有秦民墓爲性至孝親歿泣血三年人有爲其口麥莠詩省民間共義涕泗不自勝

孫權時南方造吏獻督吏過宮亭湖廬山君廟請福下教于巫求吏替吏叩頭曰簪獻天子必乞哀念神云臨入石頭當相遣吏遂去達石頭有三尺鯉魚跳入船吏破腹得之

安問者安成之俗師也善於幻術時王凝之爲江州向王嘗行陽爲王刷頭簪荷葉以爲帽與王著當時亦不

此帽之有異列坐之後荷葉乃見舉座驚駭王乃知之
晉朱黃祖奉親至孝母病篤夜禱於天天漢間時有一
老公將小兒持箱自通即以兩丸藥賜母服之患頓消
因以停宿夜中廳事上有五色氣際天琴歌清好祖往
視之坐斗帳裏四角及頂上各有一大珠形如鵝子口
彩炫耀

晉太康元年餘杭人姓王失其名往上舍過廟乞福既
去已行五六里忘履未及取一白衣人持履後至云官
使還君化爲鶴飛入山中

石勒問佛圖澄劉曜可檢兆可見否澄令童子齋七日
取麻油掌中研之燎旃檀而呪有頃舉手向童子掌內
晃然有異澄問有所見否曰惟見一軍人長大白皙有
異望以朱絲縛其肘澄曰此卽曜也其年果生檢曜

劉松在家忽見一鬼杖劍斫之鬼走松起逐見鬼在高
山巖石上臥仍往逼突羣鬼爭走遺置藥杵曰及取餘
藥回將還家爲人合藥時臨熟取一經此曰杵無不效

驗

廣陵有冢相傳漢江都王逮之墓也常有村人行過見

地有數十具磨取一具持歸暮卽叩門求磨甚急旦送
答故處

平都縣有南陂上有豕行人於陂取得鯉道逢豕中人
來云何故取豕魚奪豕車上而去

始興雲水源有湯泉每至霜雪其上蒸氣高數十丈泉
巾常有細赤魚出遊莫有獲者

巴丘縣金岡以上卅里名黃金瀨古有釣於潭獲一金
鎖引之滿一船金牛出聲兒奔壯奮躍還潭鎖久乃盡
釣人力碎得數尺故潭瀨取名

桓玄在南郡園第居時出詣殷荊州于鵠穴逢一老公
騎青牛形色瓌異桓卽以所乘馬易牛乘至零陵駛非
常因息駕次牛乃竟入水不出桓遣覘守終月絕蹤也
元嘉中益州刺史吉翰遷爲南徐州先於蜀中載一青
牛下常自乘之恆於目前養視翰遭疾多日牛亦不肯
食及亡牛流涕滂沱吉氏喪未還都先遺孳牛回宅牛
不肯行人知其異卽止待喪旣下船便隨去

桓沖鎮江陵正會夕當烹牛牛忽熟視帳下都督甚久
目中泣下都督祝之曰汝若能向我跪者當啓牒也牛